

PROSEDUR IMPORT TUMBUHAN / PRODUK TUMBUHAN / ARTIKEL TERKAWAL

Pengenalan

Panduan ini disediakan bagi memberikan kefahaman tentang prosedur Kuarantin Tumbuhan dalam pengimportan tumbuhan / produk tumbuhan dan artikel terkawal berkaitan pertanian.

Negeri Sabah bergantung penuh kepada aktiviti pertanian dan sumber alam dengan kepelbagaian khazanah biodiversiti flora dan fauna sebagai punca ekonomi rakyat. Justeru, sebarang kemasukan tumbuhan / produk tumbuhan / artikel terkawal daripada luar Sabah haruslah mematuhi prosedur Kuarantin Tumbuhan bagi memastikan tidak ada sebarang perosak dan/ atau penyakit (P & D) yang bakal memberi impak kepada biosekuriti negeri ini.

Jabatan Pertanian Sabah (DOA Sabah) bertindak sebagai Organisasi Perlindungan Tumbuhan Kebangsaan (NPPO) bagi Komponen Sabah selaras dengan Akta Kuarantin Tumbuhan 1976 (Akta 167) dan Peraturan-peraturan Kuarantin Tumbuhan 1981 yang memperuntukan tiga (3) Kawasan Komponen iaitu Komponen Sabah, Komponen Sarawak dan Komponen Semenanjung Malaysia termasuk Wilayah Persekutuan Labuan.

Sebarang Pengimportan tumbuhan / produk tumbuhan / artikel terkawal berkaitan pertanian adalah dikawal menurut Perintah Kastam (Larangan Mengenai Import / Eksport) 2017 (HS 2017) serta memerlukan suatu Permit Import (IP) daripada DOA Sabah.

Permohonan Permit Import

IP boleh dipohon (secara manual) di Seksyen Biosekuriti dan Kuarantin Tumbuhan, Ibu Pejabat, Jabatan Pertanian Sabah, Kota Kinabalu.

Satu salinan IP yang telah diluluskan hendaklah dihantar kepada pihak pembekal/ pengeksport untuk tujuan rawatan dan permohonan Sijil Fitosanitasi (Phyosanitary Certificate – PC).

Borang permohonan IP boleh diperolehi daripada Pejabat Pertanian Berdekatan ataupun dimuat turun melalui laman sesawang <http://ww2.sabah.gov.my/tani/main.html>

Pra-Syarat Import dan Keperluan Pematuhan Prosedur Kuarantin Tumbuhan

Bagi pengimportan tumbuhan/ produk tumbuhan/ artikel terkawal yang baru atau apabila ianya melibatkan sumber / negara baru ataupun negara sedia ada tetapi terdapat perubahan syarat import atau jika terdapat pemintasan di pintu masuk melibatkan penemuan perosak dan penyakit; DOA Sabah perlu melaksanakan *Pest Risk Analysis* (PRA) ke lokasi pengeksport selaras dengan pematuhan *International Standards on Phytosanitary Measure (ISPM) No. 2 - Framework for Pest Risk Analysis (2007)* dan *ISPM No. 11 Pest Risk Analysis for Quarantine Pests (2013)*.

PRA melibatkan pemeriksaan Pra-Sempadan (Pre-Border Inspection) perlu dilakukan bagi mengenalpasti jejak laluan (pathway) P & D di lokasi pembekal (premis / kilang/ nurseri dll.), pengangkutan hingga ke pelabuhan (point of export)

bagi mendapatkan maklumat dan bukti (fact finding at source) sebelum kelulusan import diberikan.

Rawatan Kuarantin

Rawatan Kuarantin terhadap tumbuhan/produk tumbuhan/artikel terkawal yang hendak diimport adalah diperlukan bagi memastikan tanaman tersebut tidak membawa bersamanya sebarang perosak dan penyakit. Jenis dan kaedah rawatan terdapat dalam syarat import (import conditions) IP. Rawatan Kuarantin terbahagi kepada kemoterapi seperti pewasapan dengan Methyl Bromide atau Phosphine (PH3) atau bahan kimia yang lain; *Thermotherapy* rawatan haba (pemanasan/ penyejukan) dan *Radiotherapy*.

Larangan Pengimportan Tanah

Pengimportan tanah adalah dilarang (importation of soil is prohibited) selaras dengan Peraturan 3: Peraturan-peraturan Kuarantin Tumbuhan 1981.

Konsainan yang bakal diimport mestilah bebas/ bersih daripada tanah/ tanpa tanah dan tumbuhan/ bahan tanaman mestilah "*bare rooted*".

Sijil Fitosanitasi

Sijil Fitosanitasi (Phyosanitary Certificate – PC) hendaklah diperolehi daripada Jabatan Pertanian negara pengeksport. Pihak pembekal/ pengeksport adalah bertanggungjawab untuk mendapatkan khidmat pemeriksaan DOA negara pengeksport semasa rawatan Kuarantin dijalankan sebelum PC dikeluarkan. PC asal (original PC) hendaklah dikirimkan bersama konsainan tumbuhan yang dieksport.

Deklarasi & Pemeriksaan Kuarantin

Para pengimport wajib membuat deklarasi kepada Pegawai Pemeriksa / Penguatkuasa Kuarantin Tumbuhan di Pintu Masuk (Entry Point) semasa ketibaan konsainan import. Pengimport / Agen hendaklah membuat deklarasi SPS (Sanitary and Phytosanitary) dengan mengemukakan IP asal DOA Sabah dan PC asal DOA negara pengeksport bagi tujuan pelepasan selain deklarasi dengan pihak Kastam.

Pegawai Pemeriksa/ Penguatkuasa Kuarantin Tumbuhan akan melaksanakan pemeriksaan secara visual terhadap konsainan dan jika perlu, mendapatkan pemeriksaan dan pengesahan Makmal sebelum konsainan boleh dilepaskan.

Bayaran Terlibat


Perkhidmatan Biosekuriti dan Kuarantin Tumbuhan DOA Sabah adalah berbayar pada harga minimum seperti yang ditetapkan dalam Peraturan-Peraturan Kuarantin Tumbuhan 1981.

Permit Import: RM15.00/ IP/ Konsainan
Sijil Fitosanitary (PC):

- i) RM20.00/PC/Konsainan eksport – tanpa rawatan
 - ii) RM40.00/PC/Konsainan eksport – dengan rawatan
- Caj Pemeriksaan : RM20.00/jam/pegawai
Caj perjalanan: RM0.50/km

Lain-lain Caj seperti dalam Peraturan 15(3), 15(4) dan 15(5): Peraturan-Peraturan Kuarantin Tumbuhan 1981. Sila berhubung dengan Seksyen Biosekuriti dan Kuarantin Tumbuhan Ibu Pejabat.

CARTA ALIR PERMOHONAN PERMIT IMPORT



Tanggungjawab Umum

Semua warga Sabah tidak kira penjawat awam, swasta maupun orang awam adalah bertanggungjawab terhadap keselamatan biosekuriti negeri Sabah. Kita terdedah kepada ancaman biosekuriti terutamanya Perosak Asing Berbahaya (Invasive Alien Species – IAS) daripada luar dan dalam negara kita sendiri. Sejarah lampau membuktikan bahawa kemasukan P & D ke negeri Sabah telah mengakibatkan kerugian besar kepada industri pertanian seperti serangan *Cocoa Pod Borer* (CPB) terhadap Koko, *Citrus Greening* terhadap Limau Manis Beaufort, Siput Gondang Emas terhadap Padi, Rumput Miang Mexico (*Parthenium hysterophorus*) terhadap ternakan dan manusia serta banyak lagi seharusnya menjadi pengajaran kepada kita untuk lebih berhati-hati dalam membawa masuk elemen P & D ke negeri Sabah yang kita cintai.

Untuk keterangan lanjut, sila hubungi;

SEKSYEN BIOSEKURITI DAN KUARANTIN TUMBUHAN,

Jabatan Pertanian Sabah,
Aras 1, Wisma Pertanian Sabah,
Beg Berkunci 2050,
88632 KOTA KINABALU, SABAH.
Tel: 088-283268
Fax: 088-283287

